



Universitätsbibliothek Paderborn

**Exempla, Divinæ Iræ, Per Opera Poenitentiae, Nobis
Leniendæ**

Stengel, Georg

Ingolstadij, 1648

§.6. Puella quali sit nupta marito intelligit.

[urn:nbn:de:hbz:466:1-52193](#)

filiam seruo, quam morti tradere. Itaque
consentit in nuptias, quamvis animo mul-
tum reluctante. Apparantur nuptiae, &
obstupescente tota ciuitate, celebrantur.

Nemo diaboli ope nitatur, qui vult feli- VI.
cem negotiorum suorum exitum; non cu- PVELLA
pit ille hominibus bene esse. Quocirca & QVALISIT
puellæ illi non diu benè fuit. Multa in NUPTA
eius marito deprehendebantur, quæ suspi- MARITO
cionem ciebant. Inter quæ etiam fuit, quod INTELLEGIT,
numquam videretur accedere ad sacram
synaxin; immo quod follennia officia, con-
ciones, aliaque quæ in templo ad diuinum
cultum instituebantur, aperte declinaret.
Fuerunt igitur, qui ad coniugem eius acce-
derent, dicerentque: Nostiné qualē na-
cta sis maritum? nempe hominem minimè
Christianum. Neque enim quidquam fa-
cit, quod Christianum decet. Dum alij in
templo orant, aut domi dormie, aut foris
ludit, aut alicubi bibit: quod facere solent
non nisi impietate absorpti, ac diuina nihili
facientes. Hoc ubi audivit noua nupta,
Deo impensè addicta, cum sensit, quam ci-
tò mundi gaudia in luctum conuerterentur.
Siquidem dolore & pœnitudine plena, ve-
lut fulmine tacta in terram cecidit, cœpit
que

que pectus palmis tundere, comas dilacerare, genas vnguis fœdare, facere que omnia, quæ Mænades solent, cùm insaniunt; repetito identidem clamore, *Hoc cur nata sum?* Aduolauit ad hunc ululatum etiam maritus, qui, intellecta questus cauſa, diu contentè negauit, id quod reuera erat, dictitans magnam esse hominum inuidiam, qui in recentia matrimonia libenter soleant discordias inseminare. Verūm puella, tum se verbis eius credituram respondit, si facta dictis competerent. Atque ut fides constaret, cras, inquietabat, mecum in templum venito, meque inspectante, ad sacrum sacerdotis tribunal. atque inde ad diuinæ mysteria sumenda accedito. Tunc enim uero oculis plus credam, quam auribus. Hac condicione adactus, tandem, quod res erat, fassus est, totumque rei seriem retexuit, pactumque cum Orco initum illi patefecit.

VII.
DEVM,
ANGELOS
BONOS,
IMMO ET
BONOS
HOMINES,
DIABOLO

Morbo mariti percepto, innocens puela illico cucurrit ad verum medicum S. Basiliū Episcopum, eiique omnem rerum gestarum ordinem recensuit. Is maritum ius sit accersiri, qui cum lachrymis illi omnia confessus est, nec quidquam negauit.

Cui